



Broj: 11-07/01-04-51929-53/24  
Sarajevo, 12.12.2024. godine

**SKUPŠTINA KANTONA SARAJEVO**  
**n/r Elvedin Okerić, predsjedavajući Skupštine Kantona Sarajevo**  
-ovdje-

**PREDMET:** Odgovor na zastupničko pitanje - *dostavlja se*

Poštovani,

**Zastupnik** u Skupštini Kantona Sarajevo **Faruk Selmanović** je u okviru 17. radne sjednice Skupštine Kantona Sarajevo, u skladu sa čl. 211. i 214. Poslovnika Skupštine Kantona Sarajevo, postavio sljedeće zastupničko pitanje:

*„Svjedoci smo ranih informacija vezano za 5 Centara u kojima se odgajaju i obrazuju djeca/učenici sa poteškoćama, te na osnovu tih informacija je dostavljeno da je došlo do dmijene rukovodstva u tri centra i to J.U. Centar za odgoj, obrazovanje i rehabilitaciju „Vladimir Nazor“ Zavodu za specijalno obrazovanje i odgoj djece „Mjedenica“ te Centru za slušnu i govornu rehabilitaciju Sarajevo.*

*U skladu sa članom 211. Poslovnika Skupštine Kantona Sarajevo, postavljam poslaničko pitanje Naida Hota-Muminović, ministarstvo za odgoj i obrazovanje Kantona Sarajevo:*

- 1. Kako je došlo do kršenja Zakona o kojem se priča, kao razlog za smijenu, to jeste koje odredbe su prekršene jer se isto ne vidi iz izvještaja?*
- 2. Koje rukovodstvo se namjerava imenovati i na koji način ukoliko znamo da školski odbori nisu popunjeni predstavnicima općina?*
- 3. Prema kojim kriterijima se tvrdi da će novo rukovodstvo provoditi Zakon? “*

**Odgovor:**

Ministarstvo za odgoj i obrazovanje Kantona Sarajevo (u daljem tekstu: Ministarstvo) dostavlja odgovore na poslanička pitanja zastupnika Selmanović Faruka, kako slijedi:

- Ministarstvo je ranije pripremlilo tri Informacije o situaciji u Javnoj ustanovi Centar za odgoj, obrazovanje i rehabilitaciju „Vladimir Nazor“, zatim o situaciji u Javnoj ustanovi Zavod za specijalno obrazovanje i odgoj djece „Mjedenica“, kao i o situaciji u Javnoj ustanovi Centar za



slušnu i govornu rehabilitaciju Sarajevo, u kojima je između ostalog navedeno da je u ovim javnim ustanovama postupano suprotno odredbama Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24) i odredbama Pravilnika o inkluzivnom obrazovanju („Službene novine Kantona Sarajevo“, br. 32/19 i 30/24), a koje tretiraju pitanje izrade Individualno-prilagođenog programa (IPP-a) za svakog učenika, što je i konstatovano i u zapisnicima kantonalnog inspektora Kantonalne uprave za inspekcijske poslove Kantona Sarajevo dostavljenim Ministarstvu (*Zapisnik broj: UP-1-14-12-34-19118/24-12/03 od 31.10.2024. godine za Javnu ustanovu Centar za odgoj, obrazovanje i rehabilitaciju „Vladimir Nazor“*; *Zapisnik broj: UP-1-14-12-34-19123/24-12/07 od 30.10.2024. godine za Javnu ustanovu Zavod za specijalno obrazovanje i odgoj djece „Mjedenica“* i *Zapisnik broj: UP-1-14-12-34-19120/24-12/07 od 05.11.2024. godine za Javnu ustanovu Centar za slušnu i govornu rehabilitaciju Sarajevo*).

Naime, članom 81. stav (2) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24) propisano je sljedeće:

„(2) U centru se predlaže, usvaja i realizira Individualno-prilagođeni program (IPP) za svakog učenika centra, u skladu sa pravilnikom koji na prijedlog Instituta, donosi ministar“.

Članom 2. stav (8) Pravilnika o inkluzivnom obrazovanju („Službene novine Kantona Sarajevo“, br. 32/19 i 30/24) propisano je sljedeće:

„(8) U centru se predlaže, donosi i realizira IPP za svako dijete u centru.“

Imajući u vidu da je odredbama ovog pravilnika propisano da je u obavezi stručnog kadra da izradi IPP za svakog učenika, kao i da je članom 4. stav (8) Pravilnika o inkluzivnom obrazovanju („Službene novine Kantona Sarajevo“, br. 32/19 i 30/24) propisano, citiramo:

„(8) Za izradu, realizaciju i evaulaciju IPP 1 odgovoran je direktor ustanove“,

a da je utvrđeno da isti nije izrađen za svakog učenika čime se utiče na najbolji interes učenika i ugrožavanje njihovih prava, Ministarstvo je o navedenom dostavilo Vladi Kantona Sarajevo informacije na razmatranje i odlučivanje.

S tim u vezi, Vlada Kantona Sarajevo je donijela Zaključak, broj: 02-04-51336-43/24 od 21.11.2024. godine, kojim se prihvata Informacija Ministarstva i zadužuje Ministarstvo da, u ime Vlade Kantona Sarajevo, uputi Školskom odboru Centar za odgoj, obrazovanje i rehabilitaciju „Vladimir Nazor“ inicijativu za prijevremeno razrješenje direktora. Nakon što je Inicijativa, broj: 11-07/01-34-49585-3/24 od 22.11.2024. godine dostavljena Školskom odboru na dalje postupanje, isti je informisao Ministarstvo da je direktorica Javne ustanove Centar za odgoj, obrazovanje i rehabilitaciju „Vladimir Nazor“ podnijela ostavku koja je prihvaćena Odlukom Školskog odbora, broj: 01-1393/24 od 26.11.2024. godine, shodno čemu nije bilo potrebno razmatrati upućenu inicijativu za prijevremeno razrješenje.

Nadalje, Vlada Kantona Sarajevo je donijela Zaključak, broj: 02-04-51336-44/24 od 21.11.2024. godine, kojim se prihvata Informacija Ministarstva i zadužuje Ministarstvo da, u ime Vlade Kantona Sarajevo, uputi Školskom odboru Zavod za specijalno obrazovanje i odgoj djece „Mjedenica“ inicijativu za prijevremeno razrješenje direktora. Ova inicijativa je dostavljena Školskom odboru ove javne ustanove samo na znanje, s obzirom da je isti informisao Ministarstvo da je direktorica u međuvremenu podnijela ostavku na funkciju direktora, te da je razriješena Odlukom Školskog odbora, broj: 02-1348-1-11/24 od 13.11.2024. godine.

Također, Vlada Kantona Sarajevo je donijela Zaključak, broj: 02-04-51336-45/24 od 21.11.2024. godine, kojim se prihvata Informacija Ministarstva i zadužuje Ministarstvo da, u ime Vlade Kantona Sarajevo, uputi Školskom odboru Centar za slušnu i govornu rehabilitaciju



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)

Sarajevo inicijativu za prijevremeno razrješenje direktora. Ova inicijativa je dostavljena Školskom odboru ove javne ustanove samo na znanje, s obzirom da je isti informisao Ministarstvo da je direktorica u međuvremenu podnijela ostavku na funkciju direktora, te da je razriješana Odlukom Školskog odbora, broj: 01-30-2531/24 od 22.11.2024. godine.

- Članom 112. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24) propisana je procedura imenovanja vršioca dužnosti direktora od strane školskog odbora, kao i procedura imenovanja ovlaštenog lica od strane Ministarstva ukoliko školski odbor odmah ne imenuje vršioca dužnosti direktora na period koji ne može biti duži od šest mjeseci. Konkretno, u Javnoj ustanovi Centar za odgoj, obrazovanje i rehabilitaciju „Vladimir Nazor“ Školski odbor nije mogao donijeti punovažnu odluku tako da je imenovano ovlašteno lice (uposlenik ove javne ustanove), s ciljem nesmetanog funkcionisanja i rada Centra. Nadalje, u Javnoj ustanovi Zavod za specijalno obrazovanje i odgoj djece „Mjedenica“ niko od uposlenih lica u ovoj javnoj ustanovi nije htio prihvatiti funkciju vršioca dužnosti direktora, shodno čemu je i ovdje imenovano ovlašteno lice (uposlenik ove javne ustanove) s ciljem nesmetanog funkcionisanja i rada Zavoda. U Centru za slušnu i govornu rehabilitaciju Sarajevo Školski odbor je donio odluku o imenovanju vršioca dužnosti direktora ove javne ustanove.

U vezi sa navodom iz poslaničkog pitanja, citiramo: „ukoliko znamo da školski odbor nisu popunjeni predstavnicima općina“, informišemo Vas da prema službenoj evidenciji s kojom raspolaže Ministarstvo školski odbori Javne ustanove Centar za odgoj, obrazovanje i rehabilitaciju „Vladimir Nazor“ i Javne ustanove Zavod za specijalno obrazovanje i odgoj djece „Mjedenica“ imaju trenutno 3 imenovana člana (predsjednik-predstavnik Ministarstva, član-predstavnik roditelja i član-predstavnik radnika), shodno čemu mogu imati kvorum za održavanje sjednica i donositi odluke sa tri glasa, pa tako i odluku o imenovanju vršioca dužnosti direktora.

- U vezi sa poslaničkim pitanjem pod brojem 3., informišemo Vas da nema kriterija prema kojima se, citiramo: „tvrđi da će novo rukovodstvo provoditi Zakon“. Članom 111. stav (1) Zakona o odgoju i obrazovanju u osnovnoj i srednjoj školi u Kantonu Sarajevo jasno je propisana odgovornost direktora za zakonitost rada i stručni rad škole, dok je člaom 112. stav (4) ovog zakona propisano da vršiocu dužnosti direktora pripadaju sva prava i obaveze direktora škole. Imajući u vidu da u određenim situacijama Ministarstvo posebnim aktom ovlašćuje nastavnika ili strčnog saradnika škole, da obavlja poslove iz nadležnosti direktora, navedene odredbe se odnose i na ovlašteno lice.

S poštovanjem,



Dostaviti:  
1. Naslovu;  
2. Evidenciji;  
3. A/a.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-128  
Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)